

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 496176 25 St
Tuzla, 13.05.2026. godine

OPĆINSKI SUD U TUZLI, sudija Vedran Milašinović razmatrajući prijedlog predlagača stečajnog dužnika „NEJR ŠPED“ d.o.o. za prevoz, trgovinu i usluge Gradačac, ul. Šestog bataljona b.b., van ročišta donio je dana 13.05.2026. godine sljedeće:

R J E Š E N J E

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka i na žiro-račun Suda, broj: 132-100-03091233-91 NLB banka dd Sarajevo, predujme iznos od 10.540,00 KM (desethiljadapetstotinačetredesetkonvertibilnihmaraka), na ime obezbjeđenja troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko stečajni dužnik kao predlagač ili neko od zainteresovanih lica ne uplati navedeni iznos predujma u ostavljenom roku uz dostavu dokaza o uplati sudu pozivom na broj predmeta, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

O b r a z l o ž e n j e

Sud je dana 25.02.2026.. godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva „NEJR ŠPED“ d.o.o. za prevoz, trgovinu i usluge Gradačac, ul. Šestog bataljona b.b., a za privremenog stečajnog upravnika imenovan je Alem Hodžić iz Srebrenika. Dana 30.03.2026. godine privremeni stečajni upravnik je dostavio izvještaj o provedenom prethodnom postupku.

Iz izvještaja privremenog stečajnog upravnika i navoda datih na ročištu proizilazi da društvo ne obavlja djelatnost od avgusta 2025. godine, dok su bankovni računi društva blokirani od 14.10.2025. godine. Računi društva su blokirani u korist povjerilaca MF banke a.d. Banja Luka, PU F BiH, UIO BiH i MKD Mikrofin a.d. Banja Luka. Blokada računa u korist povjerioca MF banke po osnovu kreditnog zaduženja je izvršena za iznos od 35.491,37 KM (iznos gl. duga bez obračuna kamata), iz uvjerenja PU F BiH proizilazi da obaveze društva iznose 7.872,84 KM a UIO BiH 1.685,17 KM (u koje iznose također nisu uračunate zatezne kamate). Iz knjigovodstvenih evidencija takođe proizilazi da društvo ima evidentirane obaveze prema dobavljačima u zemlji u iznosu od 6.320,58 KM. Društvo u svom vlasništvu nema nepokretnosti, pokretnih stvari, nema zaliha niti naplativih potraživanja. U knjigovodstvenim evidencijama je evidentiran iznos od 1.116,90 KM na ime potraživanja od kupaca u zemlji a koje je zastarjelo i nenaplativo. Društvo je izvršilo otpis opreme-transportnih sredstava iz razloga prodaje istih po cijeni od 15.880,00 KM sa PDV-om (po računu 60725-OS od 01.09.2025. godine) s tim da je knjigovodstvena vrijednost u bilansu stanja za 2024. godinu i prenesena u 2025. godinu bila iskazana u iznosu od 75.912,00 KM, pa je razlika između prodajne cijene i knjigovodstvene vrijednosti gubitak u poslovanju odnosno trošak, a direktor društva je dostavio privremenom stečajnom upravniku izjavu da je prethodno navedena vrijednost utvrđena zbog kvara na vozilu. Na dan otvaranja prethodnog stečajnog postupka društvo nije imalo uposlenika, te društvo nema obaveza prema bivšim radnicima.

Stečajni dužnik a što proizilazi iz izvještaja i mišljenja privremenog stečajnog upravnika je u roku od 60 dana od dana nastupanja platežne nesposobnosti podnio prijedlog za otvaranje stečajnog postupka (prijedlog podnesen 28.10.2025.godine, a računi blokirani 14.10.2025. godine).

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao dužnika, povjerioce i sva zainteresovana lica da izvrši uplatu troškova finansiranja stečajnog postupka u visini od 10.540,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finansijskih izvještaja nadležnim institucijama sve do postupka brisanja društva dužnika iz sudskog registra privrednih društava, procjena imovine odstrane ovlaštenih vještaka, objava oglasa za unovčenje imovine i drugo), obzirom da prema prijavi privremenog stečajnog upravnika društvo ne posjeduje imovinu.

Ukoliko predlagač, povjerioci ili neko od zainteresovanih lica u ostavljenom roku ne predlože otvaranje stečajnog postupka i izvrše uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102.stav 8. Zakona o stečaju.

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

SUDIJA
Vedran Milašinović

POUKA O PRAVNOM LIJEKU: Protiv ovog rješenja nije dozvoljena žalba.